




ট্রান্সপারেন্সি
ইন্টারন্যাশনাল
বাংলাদেশ

দুর্নীতিবিরোধী সামাজিক আন্দোলন

দুর্নীতির ধারণা সূচক ২০১৮




বার্লিনভিত্তিক আন্তর্জাতিক দুর্নীতিবিরোধী সংস্থা ট্রান্সপারেন্সি ইন্টারন্যাশনাল (টিআই) কর্তৃক প্রকাশিত দুর্নীতির ধারণা সূচক (করাপশন পারসেপশনস্ ইনডেক্স বা সিপিআই) ২০১৮ অনুযায়ী সূচকের ০-১০০ এর স্কেলে বাংলাদেশের স্কোর ২৬ যা ২০১৭ এর তুলনায় ২ পয়েন্ট কম। তালিকার নিম্নক্রম অনুযায়ী ১৮০টি দেশের মধ্যে বাংলাদেশের অবস্থান ১৩তম যা ২০১৭ এর তুলনায় ৪ ধাপ নিম্নে এবং উর্ধ্বক্রম অনুযায়ী ১৪৯তম যা ২০১৭ এর তুলনায় ৬ ধাপ অবনতি। এবছর একই স্কোর পেয়ে বাংলাদেশের সাথে তালিকার নিম্নক্রম অনুযায়ী ১৩তম অবস্থানে সম্মিলিতভাবে আরও রয়েছে সেন্ট্রাল আফ্রিকান রিপাবলিক ও উগান্ডা।

- **সূচকে অন্তর্ভুক্ত দেশ ১৮০**
- **সর্বনিম্ন স্কোর ও অবস্থানে রয়েছে সোমালিয়া**
- **এশিয়ায় সর্বনিম্ন স্কোর পেয়েছে উত্তর কোরিয়া**
- **সূচকের ০-১০০ এর স্কেলে বাংলাদেশের স্কোর ২৬**
- **নিম্নক্রম অনুযায়ী বাংলাদেশের অবস্থান ১৩তম**
- **উর্ধ্বক্রম অনুযায়ী বাংলাদেশের অবস্থান ১৪৯তম**
- **বাংলাদেশ এশিয়ায় চতুর্থ সর্বনিম্ন ও দক্ষিণ এশিয়ায় দ্বিতীয় সর্বনিম্ন স্কোর ও অবস্থানে রয়েছে**
- **সিপিআই ২০১৭ এর তুলনায় উর্ধ্বক্রম অনুযায়ী এবার বাংলাদেশ ছয় ধাপ পিছিয়েছে**
- **সিপিআই ২০১৭ এর তুলনায় নিম্নক্রম অনুযায়ী এবার বাংলাদেশ চার ধাপ পিছিয়েছে**
- **সিপিআই ২০১৭ এর তুলনায় এবার বাংলাদেশের স্কোর ২ কমেছে**
- **তালিকায় সর্বোচ্চ ৮৮ স্কোর পেয়ে শীর্ষস্থানে রয়েছে ডেনমার্ক**

সিপিআই ২০১৮ অনুযায়ী ৮৮ স্কোর পেয়ে কম দুর্নীতিগ্রস্ত তালিকার শীর্ষে অবস্থান করছে ডেনমার্ক। ৮৭ স্কোর পেয়ে তালিকার দ্বিতীয় স্থানে রয়েছে নিউজিল্যান্ড; এবং তৃতীয় স্থানে যৌথভাবে রয়েছে ফিনল্যান্ড, সিংগাপুর, সুইডেন ও সুইজারল্যান্ড যাদের স্কোর ৮৫। ১০ স্কোর পেয়ে ২০১৮ সালে তালিকার সর্বনিম্নে অবস্থান করছে সোমালিয়া। ১৩ স্কোর পেয়ে তালিকার নিম্নক্রম অনুযায়ী দ্বিতীয় স্থানে রয়েছে সিরিয়া, দক্ষিণ সুদান; এবং ১৪ স্কোর পেয়ে তৃতীয় সর্বনিম্ন অবস্থানে যৌথভাবে রয়েছে ইয়েমেন ও উত্তর কোরিয়া।

বাংলাদেশ: সিপিআই স্কোর ২০০১-২০১৮



সিপিআই সূচকে নিম্নক্রম অনুযায়ী বাংলাদেশের অবস্থান

২০০১-২০০৫ (সর্বনিম্ন); ২০০৬ (৩); ২০০৭ (৭); ২০০৮ (১০); ২০০৯ (১৩); ২০১০ (১২); ২০১১ (১৩); ২০১২ (১৩); ২০১৩ (১৬); ২০১৪ (১৪); ২০১৫ (১৩); ২০১৬ (১৫); ২০১৭ (১৭); ২০১৮ (১৩)

সারণি ১: ২০০১ থেকে ২০১৮ সাল পর্যন্ত বাংলাদেশের স্কোর ও নিম্নক্রম অনুযায়ী অবস্থান

সাল	স্কোর*	নিম্নক্রম অনুযায়ী অবস্থান	সূচকে অন্তর্ভুক্ত দেশের সংখ্যা
২০০১	০.৪	১	৯১
২০০২	১.২	১	১০২
২০০৩	১.৩	১	১৩৩
২০০৪	১.৫	১	১৪৬
২০০৫	১.৭	১	১৫৯
২০০৬	২.০	৩	১৬৩
২০০৭	২.০	৭	১৮০
২০০৮	২.১	১০	১৮০
২০০৯	২.৪	১৩	১৮০
২০১০	২.৪	১২	১৭৮
২০১১	২.৭	১৩	১৮৩
২০১২	২৬*	১৩	১৭৬
২০১৩	২৭*	১৬	১৭৭
২০১৪	২৫*	১৪	১৭৫
২০১৫	২৫*	১৩	১৬৮
২০১৬	২৬*	১৫	১৭৬
২০১৭	২৮*	১৭	১৮০
২০১৮	২৬*	১৩	১৮০

*২০০১-২০১১ পর্যন্ত ০-১০ স্কেলে; ২০১২-২০১৭ পর্যন্ত ০-১০০ স্কেলে নির্ণীত

সূচক অনুযায়ী ২০১৮ সালে বাংলাদেশের অবস্থান সংক্রান্ত ব্যাখ্যা

সূচক অনুযায়ী ১০০ এর মধ্যে ৪৩ স্কোরকে গড় স্কোর হিসেবে বিবেচনা করা হয়। সেই হিসেবে বাংলাদেশের ২০১৮ সালের স্কোর ২৬ হওয়ায় দুর্নীতির ব্যাপকতা এখনো উদ্বেগজনক বলে প্রতীয়মান হয়।

দুর্নীতির ব্যাপকতা ও গভীরতার কারণে ‘বাংলাদেশ দুর্নীতিগ্রস্ত বা বাংলাদেশের অধিবাসীরা সবাই দুর্নীতি করে’ এ ধরনের ভুল ব্যাখ্যা প্রদান করা হয়। যদিও দুর্নীতি বাংলাদেশের অর্থনৈতিক প্রবৃদ্ধি ও দারিদ্র্য দূরীকরণ সর্বোপরি, টেকসই উন্নয়ন লক্ষ্যমাত্রা অর্জনের পথে কঠিনতম অন্তরায়, তথাপি দেশের আপামর জনগণ দুর্নীতিগ্রস্ত নয়। তারা দুর্নীতির কারণে ক্ষতিগ্রস্ত ও ভুক্তভোগী মাত্র। ক্ষমতাবানদের দুর্নীতি ও তা প্রতিরোধে ব্যর্থতার কারণে দেশ বা জনগণকে কোনোভাবেই দুর্নীতিগ্রস্ত বলা যাবে না।

দক্ষিণ এশীয় দেশগুলোর সাথে বাংলাদেশের তুলনা

দক্ষিণ এশিয়ার দেশগুলোর মধ্যে সবচেয়ে কম দুর্নীতিগ্রস্ত দেশ ভুটান। ২০১৮ সালের সিপিআই অনুযায়ী এ দেশটির স্কোর ৬৮ এবং উর্ধ্বক্রম অনুযায়ী অবস্থান ২৫। এর পরের অবস্থানে রয়েছে ভারত, যার স্কোর ৪৯ এবং অবস্থান ৭৮। দক্ষিণ এশিয়ার দেশগুলোর মধ্যে এরপরে শ্রীলংকা ৩৮ স্কোর পেয়ে ৮৯তম

অবস্থানে রয়েছে। ৩৩ স্কোর পেয়ে ১১৭ তম অবস্থানে এরপর উঠে এসেছে পাকিস্তান এবং ৩১ স্কোর পেয়ে ১২৪তম অবস্থানে নেমে গিয়েছে মালদ্বীপ। অন্যদিকে, ৩১ স্কোর পেয়ে ১২৪তম অবস্থানে আরও রয়েছে নেপাল। এরপর ২৬ স্কোর পেয়ে ১৪৯তম অবস্থানে রয়েছে বাংলাদেশ এবং বাংলাদেশের পরে ১৬ স্কোর পেয়ে সিপিআই ২০১৮ সূচকে ১৭২তম অবস্থানে রয়েছে আফগানিস্তান। অর্থাৎ আফগানিস্তান ও বাংলাদেশ নিম্নক্রম অনুসারে যথাক্রমে দক্ষিণ এশিয়ায় প্রথম ও দ্বিতীয় সর্বনিম্ন অবস্থানে রয়েছে। বাংলাদেশ সিপিআই সূচক অনুযায়ী ২০১২ সাল থেকে দক্ষিণ এশিয় দেশগুলোর মধ্যে ষষ্ঠবারের মত এবারও দ্বিতীয় সর্বনিম্ন অবস্থানে রয়েছে।

স্কোর অনুযায়ী তিন বছরে (২০১৬-২০১৮) দক্ষিণ এশিয়ার ৮টি দেশের অবস্থান
(ইংরেজি বর্ণমালার বর্ণক্রমানুযায়ী)

দক্ষিণ এশীয় দেশ	২০১৮ (১৮০টি দেশ)		২০১৭ (১৮০টি দেশ)		২০১৬ (১৭৬টি দেশ)	
	স্কোর	অবস্থান*	স্কোর	অবস্থান*	স্কোর	অবস্থান*
আফগানিস্তান	১৬	১৭২	১৫	১৭৭	১৫	১৬৯
বাংলাদেশ	২৬	১৪৯	২৮	১৪৩	২৬	১৪৫
ভুটান	৬৮	২৫	৬৭	২৬	৬৫	২৭
ভারত	৪১	৭৮	৪০	৮১	৪০	৭৯
মালদ্বীপ	৩১	১২৪	৩৩	১১২	৩৬	৯৫
নেপাল	৩১	১২৪	৩১	১২২	২৯	১৩১
পাকিস্তান	৩৩	১১৭	৩২	১১৭	৩২	১১৬
শ্রীলঙ্কা	৩৮	৮৯	৩৮	৯১	৩৬	৯৫

* উর্ধ্বক্রম অনুযায়ী

দুর্নীতির ধারণা সূচক (সিপিআই) কী?

সিপিআই বার্লিনভিত্তিক ট্রান্সপারেন্সি ইন্টারন্যাশনাল (টিআই) কর্তৃক প্রণীত ও প্রকাশিত একটি সূচক যা দুর্নীতির বিশ্বব্যাপী ব্যাপকতার একটি তুলনামূলক চিত্র তুলে ধরে। সংশ্লিষ্ট দেশের রাজনীতি ও প্রশাসনে বিরাজমান দুর্নীতির ব্যাপকতা সম্পর্কে ব্যবসায়ী, বিনিয়োগকারী, সংশ্লিষ্ট খাতের গবেষক ও বিশ্লেষকবৃন্দের ধারণার ওপর ভিত্তি করে প্রণীত এই সূচকের মাধ্যমে সূচকে অন্তর্ভুক্ত দেশসমূহের দুর্নীতির অবস্থান নির্ণীত হয়। এটি একটি যৌগিক সূচক যাকে জরিপের ওপর জরিপও বলা হয়ে থাকে।

সিপিআই নির্ণয়ন পদ্ধতির ক্রমবর্ধমান উৎকর্ষতা ও সূচকের সহজীকরণের জন্য টিআই ২০১২ সাল থেকে নতুন স্কেল ব্যবহার শুরু করে। ১৯৯৫ সাল থেকে ব্যবহৃত ০-১০ এর স্কেলের পরিবর্তে দুর্নীতির ধারণার মাত্রাকে ২০১২ সাল থেকে ০-১০০ এর স্কেলে নির্ধারণ করা হয়। এই পদ্ধতি অনুসারে স্কেলের ‘০’ স্কোরকে দুর্নীতির ব্যাপকতা সর্বোচ্চ এবং ‘১০০’ স্কোরকে দুর্নীতির ব্যাপকতা সর্বনিম্ন বা সর্বাধিক সুশাসিত বলে ধারণা করা হয়। যে দেশগুলো সূচকে অন্তর্ভুক্ত নয় তাদের সম্পর্কে এ সূচকে কোনো মন্তব্য করা হয় না। উল্লেখ্য, সূচকে অন্তর্ভুক্ত কোনো দেশই এ পর্যন্ত সিপিআই-এ শতভাগ স্কোর পায়নি, অর্থাৎ দুর্নীতির ব্যাপকতা সর্বনিম্ন এমন দেশগুলোতেও কম মাত্রায় হলেও দুর্নীতি বিরাজ করে।

সিপিআই নিরূপণ পদ্ধতি

সিপিআই অনুযায়ী দুর্নীতির সংজ্ঞা হচ্ছে ব্যক্তিগত সুবিধা বা লাভের জন্য 'সরকারি ক্ষমতার অপব্যবহার' (abuse of public office for private gain)। যে সকল জরিপের তথ্যের ওপর নির্ভর করে সূচকটি নিরূপিত হয় তার মাধ্যমে সরকারি ও রাজনৈতিক ক্ষমতার অপব্যবহারের ব্যাপকতার ধারণারই অনুসন্ধান করা হয়।

আন্তর্জাতিক খ্যাতিসম্পন্ন প্রতিষ্ঠান কর্তৃক পরিচালিত সর্বনিম্ন ৩টি ও সর্বোচ্চ ১৩টি (অঞ্চল ও দেশভেদে জরিপের লভ্যতার উপর নির্ভর করে) জরিপের সমন্বিত ফলাফলের ওপর ভিত্তি করে সিপিআই এর ২০১৮ সালের বৈশ্বিক সূচক প্রণীত হয়েছে। সিপিআই নির্ণয়কালে জরিপের তথ্য সংগ্রহ ও বিশ্লেষণে আন্তর্জাতিকভাবে স্বীকৃত সর্বোচ্চ মান এবং বিশেষ সতর্কতা অবলম্বন করা হয়। সূচকের তথ্য সংগ্রহে মূলত চারটি ধাপ অনুসৃত হয়। সূচক নির্ণয়ে অনুসৃত জরিপ ও গবেষণা পদ্ধতি সম্পর্কে বিস্তারিত জানতে ভিজিট করুন: www.transparency.org/cpi

জরিপগুলোতে মূলত ব্যবসায়ী, বিনিয়োগকারী, সংশ্লিষ্ট খাতের গবেষক ও বিশ্লেষকবৃন্দের ধারণার প্রতিফলন ঘটে থাকে।

সিপিআই ২০১৮ এর জন্য বাংলাদেশের ক্ষেত্রে তথ্যসূত্র হিসেবে ৮টি জরিপ ব্যবহৃত হয়েছে। জরিপগুলো হলো:



সূচকে ব্যবহৃত তথ্য

সিপিআই-এ ব্যবহৃত তথ্যের মূল প্রতিপাদ্য

দুর্নীতি ও ঘুষ আদান-প্রদান

স্বার্থের সংঘাত ও
তহবিল অপসারণ

দুর্নীতিবিরোধী উদ্যোগ
ও অর্জনে বাধা দান

ব্যক্তিগত বা রাজনৈতিক দলের স্বার্থে
সরকারি পদমর্যাদার অপব্যবহার

প্রশাসন, কর আদায়, বিচার বিভাগসহ
সরকারি কাজে বিধি বহির্ভূত অর্থ আদায়

অনিয়ম প্রতিরোধে ও দুর্নীতি সংঘটনকারীর বিচার
করতে সরকারের সামর্থ্য, সাফল্য ও ব্যর্থতা

সিপিআই ও টিআইবি

সিপিআই প্রণয়নে টিআইবি কোনো ভূমিকা পালন করে না। এমনকি টিআইবি'র গবেষণা বা জরিপ থেকে প্রাপ্ত কোনো তথ্য বা বিশ্লেষণ টিআই-এ প্রেরিত হয় না। পৃথিবীর অন্যান্য দেশের টিআই চ্যাপ্টারের ক্ষেত্রেও একই কথা প্রযোজ্য। টিআই এর অন্যান্য দেশের চ্যাপ্টারের মতই টিআইবি দেশীয় পর্যায়ে সিপিআই প্রকাশ করে মাত্র।

ট্রান্সপারেন্সি ইন্টারন্যাশনাল বাংলাদেশ (টিআইবি)

- স্বাধীন, নিরপেক্ষ, দলীয় রাজনীতিমুক্ত, অলাভজনক বেসরকারি প্রতিষ্ঠান
- জনগণের মধ্যে সুশাসনের চাহিদা গড়ে তুলতে ১৯৯৬ সাল থেকে দুর্নীতিবিরোধী সামাজিক আন্দোলন হিসেবে কাজ করছে
- গণতন্ত্র, ন্যায়বিচার, আইনের শাসন, স্বচ্ছতা, জবাবদিহিতা, সততা, নিরপেক্ষতা, সকলের সমান অধিকার চর্চা করে
- কোনো রাজনৈতিক দল বা গোষ্ঠীর পক্ষ হয়ে কাজ করে না
- এর সকল কার্যক্রম দুর্নীতির বিরুদ্ধে, সরকার বা এর কোনো প্রতিষ্ঠানের বিরুদ্ধে নয়
- গবেষণা, নাগরিক সম্পৃক্ততা ও অ্যাডভোকেসি কার্যক্রম পরিচালনা করে
- পাঁচটি মূল কর্ম-খাত: শিক্ষা, স্বাস্থ্য, স্থানীয় সরকার, ভূমি ও জলবায়ু অর্থায়নে সুশাসন
- উল্লিখিত খাতগুলোতে সুশাসন প্রতিষ্ঠায় আইন, নীতি-কাঠামো ও প্রাতিষ্ঠানিক চর্চায় পরিবর্তনের লক্ষ্যে কাজ করে যাচ্ছে
- ঢাকার বাইরে সচেতন নাগরিক কমিটি (সনাক) গঠনের মাধ্যমে দেশের ৪৫টি অঞ্চলে (৩৮টি জেলা ও ৭টি উপজেলা) সক্রিয়
- সারাদেশে রয়েছে প্রায় ছয় হাজার স্বেচ্ছাসেবক: সচেতন নাগরিক কমিটি (সনাক), স্বচ্ছতার জন্য নাগরিক (স্বজন), ইয়ুথ এনগেইজমেন্ট অ্যান্ড সাপোর্ট (ইয়েস) গ্রুপ, ইয়েস ফ্রেন্ডস গ্রুপ, ইয়ং প্রফেশনালস এগেইনস্ট করাপশন (ওয়াইপ্যাক) ও টিআইবি সদস্য
- টিআইবি'র চলমান সার্বিক কার্যক্রমের সহায়ক সংস্থাগুলো হলো: যুক্তরাজ্যের ডিপার্টমেন্ট ফর ইন্টারন্যাশনাল ডেভেলপমেন্ট (ডিএফআইডি), সুইডেনের সুইডিশ ইন্টারন্যাশনাল ডেভেলপমেন্ট এজেন্সি (সিডা), সুইজারল্যান্ডের দ্যা সুইস এজেন্সি ফর ডেভেলপমেন্ট অ্যান্ড কো-অপারেশন (এসডিসি) এবং ডেনমার্কের দ্যা ড্যানিশ অ্যাড্বেসি/ডানিডা।

ট্রান্সপারেন্সি ইন্টারন্যাশনাল বাংলাদেশ (টিআইবি)

মাইডাস সেন্টার (লেভেল ৪ ও ৫), বাড়ি ০৫, সড়ক ১৬ (নতুন) ২৭ (পুরাতন), ধানমন্ডি, ঢাকা ১২০৯

ফোন: +৮৮০ ২ ৯১২৪৭৮৮-৮৯, ৯১২৪৭৯২, ফ্যাক্স: +৮৮০ ২ ৯১২৪৯১৫

info@ti-bangladesh.org, www.ti-bangladesh.org

www.facebook.com/TIBangladesh